



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

IX. *Anatomia senis decrepiti, annorum 109. facta Tiguri, die 2. Feb. 1723. A Joh. Jacobo Scheuchzero, Tigurino, Med. Doct. Matheſeos Prof. & Regiæ Societatis Socio.*

SUOS habent characteres varii ætatis gradus. A fluiditate ascendit homo fenſim per ſoliditatis varias mutationes, donec cum rigiditate & fibrarum veluti immobilitate amittat vitam. Nec contemnendi eſt uſus hæc in medicinâ conſideratio.

Accidit ante menſes aliquot, ut ob decrepitam ſuam ætatem & raram, in Noſocomium fuerit receptus *Johannes Leonbardus Vopper*, Rhætus, Sharanienſis ex cœtu Glantino Fœderis ſuperioris. Is juxta tenorem teſtimoniorum lucem primum vidit, 1. Maij 1614. A. 1634. Metallum foſſor in venâ ſepultus, per horas 33. ſub terrâ jacuit: Mortuo, quam vivo, ſimilior inde protractus, propter Abdominis validam, quam paſſus eſt, preſſionem, inde ab illo tempore incontinentiâ urinæ laboraverat. A. 1637. iter fecerat per *Hungariam, Turciam, Terram Sanctam*, reverſus *Venetias*. Poſt A. 1639. militem egit ſup Capitaneo *Casparo de Monte*, in ſervitiis *Caroli Ducis Lotharingiæ*, in ſtatu *Mediolanenſi*, & A. 1663. in *Luſitaniâ*, ſub Colonello *F. Planta*. A. 1682. interfuit obſidioni *Vienneniſi*, & in ultimo bello obſidioni *Landaviæ* & Cladi *Hockſtettendiſi*. Ita vitam, per varios caſus & mille rerum diſcrimina, protraxit ſenex noſter ad annos 109. menſes 3.

In cadavere obſervavimus, curſoriè veluti, (non equidem licuit per temporis anguſtiam ſectiõni diu immorari) ſequentia.

In abdominis cavo erat, parvâ quidem copiâ, serum sanguinolentum extravasatum.

Intestina tenuia fuere omnia inflammata, rubro colore tincta, & Duodenum præ primis integrum admodum dilatatum, internâ sui parte fracidum prorsus & gangrænosum; Omentum prorsus emaciatum, ut vix agnosci potuerit: Pancreas contractum: Hepar sanum: Vesicula fellis bile repleta: Ductus Choledochi eâdem turgidi, & tota vicinia Intestinorum & Mesenterii virore infecta, ut alicubi extravasata videretur bilis, cujus egressum in Duodenum invenire haud potuimus. Prope Pylorum, in Ventriculi superiore parte, aderat expansio veluti flatulenta, nuce juglande major. Renes sani, ut & Lien, cujus exterior membrana, jucundo admodum spectaculo, obfessa erat hinc inde maculis nivei candoris, magis minusque latis, quæ primo intuitu referebant pustulas Variolarum maturas, sed cartilagineæ prorsus erant duritiei, & ultra superficiem reliquæ membranæ aliquantum elevatæ. Observo heic, antequam progrediar ulterius, non duntaxat rigescere fibras, & contrahi supremâ ætate, sed tantum non insensiles fieri; nemo quippe juvenilis vel consistentis ætatis pateretur inflammationem Intestinorum, qualis hæc fuit, absque acutissimo dolore, de quo tamen æger post senile delirium, quod aliquamdiu est perpeffus, ad se ultimis vitæ diebus rediens, nihil est conquestus. Cartilaginea illa Lienis crusta manifesto est indicio, posse ita rigescere membranas, ut tandem indurentur.

Thoracis apertio non parum faceffebat laboris. Fuerunt quippe non solum Sterni illæ costosæ prominentiæ, aliàs cartilagineæ, heic planè ossæ, sed & cum ipsis Costis tantum non continuæ, indicio manifesto, Cartilagine fieri successu temporis ossæas, quemadmodum membranæ & arteriæ fiunt cartilagineæ, & ex cartilagineis non semel ossæas narrant Historiæ. Pulmones viridantibus passim

passim maculis obfessi, in utroque Thoracis latere, posticâ sui parte affixi erant Costis: Pericardium amplum & multo fero refertum, cujus & aliqua portio in cavo fluitabat Thorace. Cor ipsum vidimus satis amplum, imprimis Auriculas dilatatas præter modum, & tum hæc, tum Ventriculos sanguine concreto refertos, unde patet substituisse tandem sanguinis motum, propter defectum contractionis elasticæ in tubulis arteriosis, & Cordis machinam sanguini ad concretionem disposito expellendo non amplius fuisse sufficientem, imo propter nimiam resistantiam obrutam. Præstabat Tendinem illum, quo Cordi inferuntur arteriæ, vel osseum plane, vel cartilagineum saltem: Osseus sane, quod novimus, fit in Cervis adultioribus, unde Os de Corde Cervi. Et sanè aliquid tale offendimus, nimirum Valvulas semilunares, præprimis Aortæ, cartilagineas penè, præcipuè mediâ sui parte. Aortam ipsam descendentem observavimus valdè amplam, diametri duplo majoris, quam est Gula, Parisini circiter pollicis. Gulæ instratæ passim erant Glandulæ lentiformes induratæ. Amplitudo illa Aortæ indicat tardio rem ultimis fortè vitæ annis progressivum motum sanguinis, unde arteriæ, quæ propiores sunt Cordi, fuere sensim dilatatæ, sicuti sæpe observamus dilatari adeo, ubi nimia est molis resistantia, ut in Aneurisma abeat egrediens è Corde Arteria magna.

Pergimus ad Caput, ubi prædura Cranii substantia rursum solitò majorem poscebat laborem: Suturæ, imprimis Sagittalis & Lambdoidea, erant fermè oblitteratæ, nec prorsus penetrabant utramque Tabulam, ut nulla fu-erit per illas è cavitate illâ magnâ Capitis perspiratio, & succus ille Ossium nutritius, inter fissuras Suturarum extravasatus, factus quoque fuerit osseus. Foramina quidem tria quatuorve satis ampla, in supremo vertice, ad latas utrumque Sinus Sagittalis, pollicis fermè distantia ab invicem visuntur, internam Laminam ad externam usque penetrantia,

absque quod ullum illorum utramque perforet Tabulam. Dura Meninx triplo ferè crassior fuit, quam est ordinariè, coriacea penè : Pia separabatur facile, nimio utpotè irrigata sero, à Cerebri substantiâ : Ventriculi omnes sero erant referti, quod fat magnâ copiâ quoque fluitabat in Cerebri basi, imprimis ad Spinalis Medullæ egressum. Plexus Choroides Glandulis pisalibus, lymphâ coagulata refertis, erat obsessus : Septum pellucidum egregiè poterat conspici : Cæterum Cerebri ipsa substantia, imprimis interioris, flaccidior solito.

Innotuit mihi, inde ex quo obiit decrepitus noster, retulisse eum personis fide dignis, quod pater ejus, seculum jam supergressus, tres genuerit liberos, & ex majoribus pauci infra seculi ætatem obierint. Hoc certum est, nostro natam filiam *Mariam Magdalenam* ex uxore *Ursulâ Hirzeliâ* de *Naniken* pagi *Tigurini*, quæ S. Baptismatis caractere signata fuit *Dieffenhovæ*, 18 Aug. 1707.

F I N I S.

L O N D O N: Printed for *W.* and *J. Innys*, Printers to the *Royal Society* ; at the *Prince's-Arms*, the West End of *St. Paul's Church-Yard*.